



Na osnovu člana 8. Zakona o ministarskim, vladinim i drugim imenovanjima Federacije Bosne i Hercegovine („Službene novine FBiH“, br. 12/03, 34/03 i 65/13), člana 24. Statuta JP „CENTAR“ d.o.o. Sarajevo broj: 11-11-4872/25 od 20.01.2026. godine, člana 3. Odluke o proceduri, uslovima i standardima imenovanja članova Skupštine Javnog preduzeća „CENTAR“ d.o.o. Sarajevo („Službene novine Kantona Sarajevo“, broj: 19/26) i broj: 01-45-491/26 od 04.06.2026. godine i Odluke o raspisivanju javnog konkursa za izbor i imenovanje članova Skupštine JP „CENTAR“ d.o.o. Sarajevo broj: 01-45-496/26 od 04.06.2026. godine, Općinski načelnik Općine Centar Sarajevo, raspisuje

JAVNI KONKURS ZA IZBOR I IMENOVANJE ČLANOVA SKUPŠTINE JP „CENTAR“ D.O.O. SARAJEVO

1. PREDMET JAVNOG KONKURSA

Raspisuje se Javni konkurs za izbor i imenovanje predsjednika i članova Skupštine JP „CENTAR“ d.o.o. Sarajevo.

2. OPIS POZICIJE

Skupština JP „CENTAR“ d.o.o. Sarajevo je organ upravljanja Preduzeća koji, u ime Osnivača, odlučuje o najvažnijim pitanjima poslovanja i razvoja Preduzeća, u skladu sa zakonom, Odlukom o osnivanju i Statutom Preduzeća.

Skupština je odgovorna i nadležna da:

- donosi Statut i izmjene i dopune Statuta,
- donosi Poslovnik o svom radu,
- donosi Etički kodeks Preduzeća, na prijedlog Nadzornog odbora,
- odlučuje o povećanju i smanjenju osnovnog kapitala,
- usvaja godišnji izvještaj Preduzeća, koji uključuje finansijski izvještaj i izvještaje revizora, Nadzornog odbora i Odbora za reviziju,
- odlučuje o raspodjeli dobiti na prijedlog Uprave, uz prethodno pribavljeno mišljenje Odbora za reviziju i Nadzornog odbora,
- odlučuje o načinu pokrića gubitaka,
- odlučuje o spajanju s drugim društvima i pripajanju drugih društava Preduzeća,
- odlučuje o promjeni oblika i podjeli Preduzeća,
- odlučuje o prestanku Preduzeća sa provođenjem likvidacije i o odobravanju početnog likvidacionog bilansa i završnog računa po okončanju postupka likvidacije,
- odlučuje o kupovini, prodaji, zamjeni, uzimanju ili davanju u lizing, uzimanju ili davanju kredita i drugim transakcijama imovinom, direktno ili posredstvom supsidijarnih društava, u toku poslovne godine u obimu većem od 33% knjigovodstvene vrijednosti imovine Preduzeća po bilansu stanja na kraju prethodne godine, na prijedlog Uprave i Nadzornog odbora,
- odobrava korištenje sredstava iz fonda rezervi i posebnog fonda na osnovu prijedloga Uprave i odluke Nadzornog odbora,

- imenuje i razrješava predsjednika i članove Nadzornog odbora,
- imenuje i razrješava predsjednika i članove Odbora za reviziju, na prijedlog Nadzornog odbora,
- glasa o povjerenju članovima Nadzornog odbora,
- odlučuje o naknadama članovima Nadzornog odbora i Odbora za reviziju u skladu sa važećim zakonskim i podzakonskim propisima,
- odlučuje o osnivanju ili kupovini novih društava,
- usvaja godišnji, trogodišnji i revidirani plan poslovanja,
- odobrava plan poslovanja odnosno odobrava revidirani plan poslovanja,
- odlučuje o ostvarivanju trajne poslovne saradnje sa drugim društvima na prijedlog Nadzornog odbora i uz obavezno mišljenje Odbora za reviziju,
- odlučuje o ostvarivanju zahtjeva Preduzeća prema članovima Uprave i Nadzornog odbora u vezi sa naknadom štete nastale pri osnivanju, kupovini ili vođenju poslovanja Preduzeća,
- odlučuje o zastupanju Preduzeća u sudskim postupcima koji se vode protiv članova Uprave Preduzeća ili eventualnim postupcima protiv članova drugih organa Preduzeća,
- odlučuje o drugim pitanjima, u skladu sa zakonom i ovim Statutom.

3. TRAJANJE MANDATA PREDSJEDNIKA I ČLANOVA SKUPŠTINE JP "CENTAR" D.O.O. SARAJEVO

Mandat predsjednika i članova Skupštine JP „CENTAR“ d.o.o. Sarajevo traje 4 (četiri) godine, uz mogućnost ponovnog imenovanja.

4. USLOVI ZA IZBOR I IMENOVANJE

Kandidati za izbor i imenovanje predsjednika i članova Skupštine JP „CENTAR“ d.o.o. Sarajevo moraju ispunjavati opće i posebne uslove.

4.1. Opći uslovi za izbor i imenovanje:

- a) da su stariji od 18 godina, a mlađi od 65 godina na dan imenovanja;
- b) da su državljani BiH i da imaju prebivalište u BiH;
- c) da nisu otpušteni iz državne službe kao rezultat disciplinske mjere na bilo kojem nivou u Bosni i Hercegovini (bilo na nivou države ili entiteta) u periodu od tri godine prije objavljivanja upražnjene pozicije;
- d) da se na njih ne odnosi član IX 1. Ustava Bosne i Hercegovine;
- e) da nisu osuđivani za krivično djelo i za prekršaj nespojiv sa dužnošću u Skupštini, pet godina od dana pravosnažnosti presude, isključujući vrijeme zatvorske kazne;
- f) da nisu lica kojima je presudom suda zabranjeno obavljanje aktivnosti u nadležnosti Skupštine;
- g) da nisu izabrani zvaničnici, nosioci izvršnih funkcija ili savjetnici u smislu Zakona o sukobu interesa u organima vlasti u Federaciji Bosne i Hercegovine;
- h) da nisu članovi Uprave ili Nadzornog odbora ili Odbora za reviziju Preduzeća ili zaposlenici Preduzeća.

4.2. Posebni uslovi za izbor i imenovanje:

- a) da posjeduje univerzitetsku diplomu VII stepena stručne spreme odnosno visoko obrazovanje prvog ciklusa Bolonjskog sistema studiranja sa najmanje 240 ECTS bodova ili drugog ili trećeg ciklusa Bolonjskog sistema studiranja iz ekonomskih, tehničkih, pravnih, društvenih ili prirodnih nauka,
- b) najmanje tri godine iskustva u struci nakon sticanja univerzitetske diplome, odnosno visokog obrazovanja.

5. Dokumenti koji se dostavljaju uz potpisanu prijavu na Javni konkurs

1. Kraća biografija,
2. Izvod iz matične knjige rođenih original ili ovjerena kopija,

3. Uvjerenje o državljanstvu ne starije od 6 mjeseci original ili ovjerena kopija,
4. Izjava ovjerena od strane nadležnog općinskog organa da nije otpušten/a iz državne službe kao rezultat disciplinske mjere na bilo kojem nivou u Bosni i Hercegovini u periodu od tri godine prije javnog oglašavanja upražnjene pozicije,
5. Izjava ovjerena od strane nadležnog općinskog organa da ne spada u krug lica utvrđenih u članu IX.1 Ustava Bosne i Hercegovine,
6. Izjava ovjerena od strane nadležnog općinskog organa da kandidat nije izabrani zvaničnik, nosilac izvršne funkcije ili savjetnik u smislu Zakona o sukobu interesa u organima vlasti u Federaciji Bosne i Hercegovine,
7. Izjava ovjerena od strane nadležnog općinskog organa da kandidat nije osuđivan za krivično djelo ili prekršaj nespojiv sa funkcijom predsjednika ili člana Skupštine Preduzeća, pet godina od dana pravosnažnosti presude, isključujući vrijeme zatvorske kazne,
8. Izjava ovjerena od strane nadležnog općinskog organa da kandidat nije lice kojem je presudom suda zabranjeno obavljanje funkcije predsjednika ili člana Skupštine Preduzeća,
9. Diploma o stečenoj stručnoj spremi original ili ovjerena kopija,
10. Dokaz o radnom iskustvu (PIO/MIO uvjerenje ili potvrda poslodavaca iz kojih se nedvosmisleno može utvrditi da kandidat ispunjava tražene uvjete trajanja radnog iskustva nakon sticanja univerzitetske diplome (original ili ovjerena kopija).

Prijava koja nije potpisana ili uz koju nije dostavljena naprijed navedena dokumentacija će se odbaciti i smatrat će se kao da nije podnesena.

Navedenu dokumentaciju iz tačke 5. Kandidati su dužni dostaviti u formi originala ili ovjerene kopije.

Dokumenti Kojima se dokazuje ispunjavanje općih i posebnih uslova za radno mjesto na koje se kandidat prijavljuje ne mogu biti stariji od 6 (šest) mjeseci (starost originala ili ovjerene kopije), osim izvoda iz matične knjige rođenih kao dokumenta trajnog karaktera kao i diplome o završenom obrazovanju.

Napomena: Dokumentacija koja se dostavlja neće se vraćati kandidatima koji su se prijavili na Javni konkurs.

6. OSTALE ODREDBE

Kandidati koji ispunjavaju opće i posebne uslove propisane javnim konkursom bit će pozvani na intervju.

Prilikom procjene kvalifikacija i iskustva kandidata uzet će se u obzir stručne, profesionalne i organizacione sposobnosti kandidata, sposobnost savjesnog i odgovornog obavljanja funkcije, nepristrasnog donošenja odluka, poznavanje zakonskih i podzakonskih propisa iz oblasti relevantnih za poslovanje Preduzeća, komunikacijske sposobnosti, rezultati rada ostvareni tokom dosadašnje karijere, kao i sposobnost rada u kolektivnim organima upravljanja.

Nakon provedene konkursne procedure Komisija za vrednovanje i odabir kandidata dostavit će Općinskom načelniku rang-listu uspješnih kandidata i izvještaj o provedenom postupku, radi upućivanja prijedloga Općinskom vijeću Centar Sarajevo na odlučivanje.

Kandidati koji budu predloženi za imenovanje dužni su, prije donošenja konačne odluke o imenovanju, dostaviti uvjerenje nadležnog suda da se protiv njih ne vodi krivični postupak i uvjerenje nadležnog organa da nisu osuđivani za krivično djelo ili prekršaj nespojiv sa funkcijom predsjednika ili člana Skupštine Preduzeća.

Rok za podnošenje prijave na Javni konkurs je 15 (petnaest) dana od dana posljednjeg objavljivanja, a objavit će se u dnevnom listu koji se distribuira na području Federacije Bosne i Hercegovine, Službenim novinama Federacije Bosne i Hercegovine i na web stranici Općine Centar Sarajevo.

Prijave sa traženom dokumentacijom se dostavljaju isključivo preporučenom poštom ili putem protokola Općine Centar Sarajevo na adresu Općine Centar Sarajevo, Mis Irbina 1, 71000 Sarajevo s naznakom:

**„Prijava na Javni konkurs za izbor i imenovanje predsjednika i članova Skupštine
JP „CENTAR“ d.o.o. Sarajevo – NE OTVARATI“**

Nepotpune i neblagovremene prijave neće se uzeti u razmatranje.



Općinski načelnik